




ՀԱՍՏԱՏՈՒՄ ԵՄ՝
ՀՀ ԲՆԱՊԱՀՊԱՆՈՒԹՅԱՆ
ՆԱԽԱՐԱՐ

Ա. Մինասյան

Ա. ՄԻՆԱՍՅԱՆ



«25» 12 2017թ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 119

Ձեռնարկողը՝

<<Վերջին հանգրվան>> ՍՊԸ
22 Շիրակի մարզ, գ. Առափի 1-ին փող. 1/5

Գործունեությունը՝

**Առափի համայնքում նախատեսվող մասնավոր
գերեզմանատան կառուցման շրջակա միջավայրի վրա
ազդեցության նախնական գնահատման հայտ**
<< Շիրակի մարզ

**<<Շրջակա միջավայրի վրա ազդեցության
փորձաքննական կենտրոն>> ՊՈԱԿ-ի
տնօրեն՝**



Վ. Սահակյան

Վ. Սահակյան

ՊԵՏԱԿԱՆ ՓՈՐՁԱԸՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱԸՆՆՈՒԹՅԱՆ

թիվ ԲՓ 119

«25» 12 2017թ.

Վերջին հանգրվան՝ ՍՊԸ կողմից ներկայացված ՀՀ Շիրակի մարզի Առափի համայնքում նախատեսվող մասնավոր գերեզմանատան գնահատման հաշվետվության

Պատվիրատու՝	«Վերջին հանգրվան» ՍՊԸ
Նախագծող՝	«Արտ-Նախագիծ» ՍՊԸ
Ներկայացված նյութեր՝	Աշխատանքային նախագիծ, Նախնական գնահատման հայտ;
Տեղադրման վայրը՝	ՀՀ Շիրակի մարզ, Առափի համայնք
Գործունեության կատեգորիան	/Ա/ կատեգորիա

Համաձայն ներկայացված աշխատանքային նախագծի <<Վերջին հանգրվան>> ՍՊ ընկերությունը ՀՀ Շիրակի մարզի Առափի համայնքում նախատեսում է կառուցել մասնավոր գերեզմանատուն:

Շիրակի մարզի Առափ-Ոսկեհասկ ավտոխճուղու արևմտյան կողմում տեղաբաշղված՝ Առափի համայնքի տարածքում գտնվող 1-ին փողոց, 1/5 հողամասում մասնավոր գերեզմանատուն կառուցելու նախագիծը կազմվել է համաձայն համայնքի ղեկավարի կողմից տրված թույլտվության /ճարտարապետահատակագծային առաջադրանքի/ միաժամանակ հիմք ընդունելով <<Նուղարկավորությունների կազմակերպման և գերեզմանատների ու դիակիզարանների շահագործման մասին>> ՀՀ օրենքով նախատեսված կարգերը, կանոնները և գերեզմանի վկայականի ձևը սահմանելու մասին <<<< Կառավարության 23.11.2006թ. N1910-Ն որոշմամբ սահմանված նախագծա-նորմատիվային պահանջները:

Գերեզմանատունը զբաղեցնում է ավտոխճուղուն հարող՝ մասամբ չափավոր, մասամբ էլ միջին թեքություն ունեցող բլրալանջի մի հատվածը: Մերձակա կառուցապատումները և անհատական հողամասերը գտնվում են նվազագույնը՝ 250-300 մ հեռավորության վրա: Գերեզմանատունը նախատեսվում է պարսպապատել մասնակիորեն խուլ, մասնակիորեն էլ՝ ցանկապատային տիպի պարսպով: Մուտքի հատվածի անմիջական

հարևանությամբ նախատեսվում է տեղադրել գրանիտե հանգստի քար, խաչ-հուշակոթող և աղբյուր-խաչքար: Վերջինին մոտ տեղակայվելու է մետաղյա ծածկարանով հանգստի տաղավար: Ընտանեկան հուղարկավորությունների համար նախատեսված՝ 2-6 տեղանոց գերեզմանատեղերից բացի գերեզմանատան արևելյան կողմում լինելու է պանթեոնային հուղարկավորության հատվածամաս՝ գլխավոր ճեմուղուց մինչև գերեզմանատան արևելյան պարսպապատը:

Նախատեսվող գերեզմանատան տեխնիկա տնտեսական ցուցանիշները: տարածքում կկազմակերպվի գերեզմանատուն ընդհանուր 738 ընտանեկան գերեզմանատեղով: Հողամասի ընդհանուր մակերեսը կազմում է 3,28418 հա, կառուցապատման ընդհանուր մակերեսը 24632,5 քմ: Տարածքը ամբողջությամբ կցանկապատվի և կբարեկարգվի:

Նախատեսվող շինարարական աշխատանքների փուլում մթնոլորտի վրա ազդեցությունը պայմանավորված է հողային աշխատանքների և շինարարական տեխնիկայի աշխատանքի ընացքում առաջացող արտանետումներով: Շինարարական աշխատանքները կրում են ժամանակավոր բնույթ և չունեն զգալի ազդեցություն:

Նախատեսվող շինարարական աշխատանքների փուլում շրջակա միջավայրի բաղադրիչների վրա վնասակար ազդեցությունների բացառման, նվազեցման նպատակով նախատեսված են մի շարք միջոցառումներ:

Օդային ավազանի վրա ազդեցությունը կապված է հողային աշխատանքների և շինարարական տեխնիկայի աշխատանքի ընթացքում առաջացող արտանետումներով:

Օդային ավազանի աղտոտումը նվազեցնելու նպատակով նախատեսված են հետևյալ միջոցառումները՝

- շինարարական հրապարակները ցանկապատել համապատասխան բարձրության անթափանց թաղանթով,
- շինհրապարակից դուրս եկող մեքենաների անվադողերը լվանալ,
- պարտադիր կարգով շինանյութերը, ավելցուկ գրունտը և շինարարական աղբը տեղափոխել անթափանց ծածկոցներ ունեցող մեքենաներով,
- շինհրապարակը օրվա ընթացքում պարբերաբար ջրել,
- սորուն նյութերը (ավազ, ցեմենտ) պահեստավորել փակ տարածքներում կամ ծածկել անթափանց թաղանթներով,
- շինարարական տեխնիկայի տեղաշարժը և աշխատանքը իրականացվելու է միայն գոյություն ունեցող ճանապարհներով, բացառելով կանաչ գոտիների վնասումը, նոր տարածքների խախտումը և աղտոտումը:
- բացառվելու է շինարարական աղբի և հողերի կուտակումները բուսածածկ տարածքներում:
- պարբերաբար իրականացվելու է տեխնիկայի շարժիչների կարգաբերում,
- չոր եղանակների ժամանակ իրականացվելու է խճի, պահեստավորված և տեղափոխվող հողային զանգվածների խոնավացում:

Նկատի ունենալով այն հանգամանքը, որ աշխատանքները իրականացվելու են ջրային ռեսուրսներից բավականին հեռավորության վրա, կարելի է եզրակացնել, որ թե շինարարության, և թե շահագործման ընթացքում որևէ ազդեցություն ջրային ռեսուրսների վրա չի լինի:



Հողածածկին պատճառված վնասները նվազագույնին հասցնելու նպատակով նախատեսված է իրականացնել հետևյալ միջոցառումները.

- շինարարության ընթացքում տարածքի բուսահողը հանվելու և կույտավորվելու է պաշտպանված վայրերում, հետագայում այն օգտագործվելու է տեղանքի բարեկարգման համար,

- ապահովելու են անհրաժեշտ պայմաններ, որպեսզի հանված բուսահողը չխառնվի գրունտի հետ և չաղտոտվի ,

- բուսահողի պահեստավորման համար ընտրվելու է շինարարական հրապարակից դուրս տեղակայված վայր:

- շինարարության ավարտից հետո հանված բուսահողը օգտագործվելու է տարածքի կանաչապատման նպատակով:

Շինարարական աշխատանքների ժամանակ ջուրն օգտագործվում է շինարարական հարթակների ջրցանի, ինչպես նաև ինժեներատեխնիկական անձնակազմի, բանվորների և վարորդների կոմունալ կենցաղային կարիքների ապահովման համար:

Շինարարական աշխատանքների ավարտից հետո նախատեսվում է տարածքը բարեկարգել և իրականացնել կանաչապատման աշխատանքներ:

Եզրահանգում՝ Նախատեսվող գործունեության հիմնական ազդեցությունը պայմանավորված է շինարարության փուլով, ինչը չունի զգալի ազդեցություն և կրում է ժամանակավոր բնույթ: Նախատեսվող գործունեության նախնական գնահատման հայտի և հիմնական հաշվետվության վերաբերյալ կազմակերպվել են թվով 4 հասարակական լսումներ, որոնց արդյունքում կազմված արձանագրություններով մասնակիցները և ազդակիր համայնքը նախատեսվող գործունեության իրականացմանը տվել են իրենց հավանությունը:

ԵԶՐԱԿԱՑՈՒԹՅՈՒՆ

<<Վերջին հանգրվան>> ՍՊԸ կողմից ներկայացված << Շիրակի մարզի Առափի համայնքում նախատեսվող մասնավոր գերեզմանատան գնահատման հաշվետվության վերաբերյալ տրվում է դրական եզրակացություն:

Մասնագետ՝



Albert Ա. Մինասյան